

## تبریز سنجیش موزه‌سینده بئش میلیون ایللیک آغاج کۆتۆیۆ

تبریز سنجیش موزه‌سی، تبریز کلانشهرینین غنی موزه‌لریندن بیریسى اولراق ده‌یرلی گنجینه‌لری ساخلاماقدادیر. بئش میلیون ایللیک آغاج کۆتۆیۆ اونلارین بیرسیدیر.

بو آغاج کۆتۆیۆ سنئوزویک زامانین پلیوسن دۆنمینه عایددیر و بیر ایل قاباق بیر یئربیلیمچی (زمین‌شناس) طرفیندن معانین پارس‌آبادیندا بیر یئردن آلینیب تیریزه گتیریلیدیر.

بو گزارشه اساساً، بو کۆتۆیۆن چینسی، زامان زامان سیلیسله‌شیب و کۆتۆک داشلاشیب فوسیلله‌شیدیر. هابئله، بو آغاجین اوندلری و جداره‌لری اورگانیک ماده‌لری جذب ائدرک برکییب و ائشیک لایه‌سی دمیر پاسی رنگی آلیدیر.

سلماسی ائوینه مشهور اولان تبریز سنجیش موزه‌سینده، ایرانین ایلک زامان، آغیرلیق، برق، سو و بنزین اۆلچمه آلترلی ساخلانیلیر. قدیم سلماسی تیکینتیسینین 160 ایلدن چوخ قیدمتی وار و قاجار زامانینا عایددیر.

بو موزه‌ده، مختلف عصرلردن، قیزیلچی ظریف ترازوسوندان میوه و تره‌بار مئیدانلارینین بۆیوک قاپانلارینا قدر مختلف آغیرلیق اۆلچمه آلترلی، هم ده چکی داشلاری و ایلک نفت اۆلچمه قابلاری ساخلانیلیر.

اسطرلاب، سماوی کۆره کیمی نجوم آلترلی، سوهاواپیلیم (هواشناسی) آلترلی و مختلف قطب‌نما بو موزه‌ده ساخلانیلیر.

بو موزه‌نین تیکینتیسى شاد فضالى اولوب اوچ ضیلعه‌ده، 650 مئتر مربع حیط و 875 مئتر مربع زیرنادا ایکی طبقه‌ده تیکیلیدیر.

